

17.11.2020

UKA2020/48

**Uumasut naasullu avataanit eqqunneqartut pillugit UKA2021 nallertinnagu nassuiaammik saqqummiussinissamik Naalakkersuisut peqquneqarnissaannik Inatsisartuni aalajangiiffigisassatut siunnersuut. Nassuiaat minnerpaamik tulliuttut uku pillugit paasissutissanik imaqassaaq: ajornartorsiutip annertussusai, maleruagassiassanut siunnersuutit, pinaveersaartitsineq, nakkutiginninneq kiisalu uumasunik naasunillu eqqussanik navianartorsiortitsisinnaasunik akiuiniarneq kiisalu suliniutit taakku aningaasalersornissaat.**

(Inatsisartuni ilaasortaq Aqqaluaq B. Egede, Inuit Ataqtigiit)

Inatsisartunut ilaasortap Aqqaluaq B. Egedep aalajangiiffigisassatut siunnersuutaanut Siumumiit imaattumik oqaaseqassaagut.

Siunnersuuteqartup tunngavilersuummini isuma qaqitaa tassa pinngortitami peqqarneequisumi inuuffitsinni nunallu pissusaata ukiumiit aasamut nikingasorujussuuffiani pisuussutit uumassusillut sunnertiasorujussuummata iliuseqartoqarnissaanik nassuiaasiortitsinissaq.

Naalakkersuisut akissuteqaatiminni qaqippaat siunnersuutip siunertaanik siuneqataqarluni sulinerit aallarereersut. Siumumiittaaq ilisimavarput Nunani avannarlerni suleqataanitsinni tamanna annertuupilussuamik sammineqarlunilu aallunneqartartoq.

Siumumiit isumaqarpugut pinngortitaq inuuffipput ataqqillugu inuuffigisariaqaripput, inuunitsinnut ilaalluinnarmat.

Taamatullu pingaartilluinnarparput, tammatsaaliuinerup aqqani inuunitsinnut inuuniarnitsinnullu toqqammavigut kalluarneqartannginnissaat. Ukiunimi ikattuni, nuna nunarsuatsinni inuuffigiuminaannerpaat ilaat sapiunnata inuuffigereerparput.

Taama Siumumiit oqaaseqarluta siunnersuut taama isikkoqartillugu itigartipparput.

Jens Danielsen Siumut